

Wann die Augen von schlagen
oder sonst offgelauffen vnd ge-
schwollen seind.

So nemet Sawrampffersafft / Hauß-
wurksafft mit dem saccharo saturn. vermis-
chet / Lüchlein darcin genezt / vber die Ge-
schwulst gelegt / lindert vnd leget dieselbige.

Aliud :

R. Safft von dem Kraut Apio vnd
Haußwurk / mischet darunter ein wenig
Camphoræ, vnd leget solches wie ein Pflas-
ter vber die Augen.

Caput 12.

De Dolore Dentium.

Von den Schmerken der
Zähne.

Der Schmerz der Zähne nimbt seinen
Ursprung aus dem Haupt / vnd sonderli-
chen vom vbrigen vnd bösen Geblüt / wela-
ches durch die Zahnäderlein gehet / biß zu
den Wurkeln der Zähne / vnd wann diß Ge-
blüt